


Sarajevska berza vrijednosnih papira – statistika Juli 2012.

U julu 2012. godine na Sarajevskoj berzi-burzi ostvaren je ukupan promet od 3.697.237,02 KM; u sklopu 761 transakcije prometovano je 2.409.072 vrijednosna papira.

Promet po vrstama trgovine:

Promet po vrstama trgovine	Promet (KM)	Promet (VP)	Broj transakcija
BTS Trgovina			
Redovna berzanska trgovina	3.461.529	2.377.148	742
Vanredne i posebne aukcije	0,00 KM	0	0
Primarna trgovina	0,00 KM	0	0
Prijavljena trgovina			
Paketi dionica	0,00	0	0
Vanberzanske transakcije	235.707	31.924	19
Ukupno	3.697.237	2.409.072	761

Promet po danima:

Promet po tržišnim segmentima – redovna berzanska trgovina:

	Promet (KM)	Promet (VP)	Broj transakcija
Kotacija kompanija	443.872	38.586	61
Kotacija fondova	344.960	110.015	136
Kotacija obveznice	1.168.317	2.093.407	189
Primarno slobodno tržište	1.123.120	95.283	306
Sekundarno slobodno tržište	365.094	39.092	46
Tercijarno slobodno tržište	16.164	765	4
Ukupno:	3.461.529	2.377.148	742

Na Kotaciji kompanija ostvaren je promet dionicama emitenta "Bosnalijek" d.d. Sarajevo u iznosu od 443.872,33 KM što čini 12,82% od ukupno ostvarenog redovnog prometa. Zvanični kurs emitenta pao je za 0,69% u odnosu na prethodni mjesec. Dionicama emitenta "Klas" d.d. Sarajevo, nije bilo zaključenih transakcija u julu 2012. godine. Na ovom segmentu tržišta prometovano je ukupno 38.586 dionica.

Na Kotaciji fondova, promet ostvaren u julu iznosio je 344.960,48 KM ili 9,97% od ukupno ostvarenog redovnog prometa. Najveći promet na Kotaciji fondova ostvaren je dionicama emitenta ZIF "Naprijed" d.d. Sarajevo u iznosu od 134.871,12 KM, i mjesečnim padom kursa od 0,87%. Na drugom mjestu po prometu nalazi se emitent ZIF "MI Group" d.d. Sarajevo sa ostvarenim prometom od 113.554,14 KM, i mjesečnim porastom kursa od 5,38%. Dionicama emitenta ZIF "BIG Investiciona grupa" d.d. Sarajevo koje su u julu doživjele porast vrijednosti od 2,90% trgovano je u obimu od 50.025,58 KM. Na ovom segmentu tržišta prometovano je ukupno 110.015 dionica

Na Kotaciji obveznica, promet ostvaren u julu iznosio 1.168.317,82 KM ili 33,75% od ukupno ostvarenog redovnog prometa; od toga se obveznicama ratnih potraživanja Federacije BiH trgovalo u iznosu od 287.241,21 KM, dok je sa obveznicama stare devizne štednje FBiH ostvaren ukupan promet u iznosu od 881.076,61 KM. Na ovom segmentu tržišta u sklopu 189 transakcija prometovano je 2.093.407 obveznica.

Promet na Primarnom slobodnom tržištu iznosio 1.123.120,34 KM ili 32,45% od ukupno ostvarenog redovnog prometa. Najveći promet na Primarnom slobodnom tržištu u julu ostvaren je sa dionicama emitenta "BH Telecom" d.d. Sarajevo u iznosu od 463.050,73 KM. Na drugom mjestu po ostvarenom prometu nalazi se emitent "Vodovod i kanalizacija" d.d. Konjic sa iznosom od 119.850,00 KM. Treće i četvrto mjesto zauzimaju "Fabrika duhana Sarajevo" d.d. Sarajevo sa prometom od 115.845,29 KM, te "IK Banka" d.d. Zenica sa ostvarenim prometom u iznosu od 73.448,10 KM.

Promet na Sekundarnom slobodnom tržištu iznosio je 365.094,81 KM ili 10,55% od ukupno ostvarenog redovnog prometa. Najveći promet na Sekundarnom slobodnom tržištu u julu ostvaren je sa dionicama emitenta "Elektro grupa" d.d. Jajce u iznosu od 329.070,00 KM. Na drugom mjestu po

ostvarenom prometu nalazi se emitent "Rudnik Željezne rude" d.d. Vareš sa iznosom od 15.709,59 KM. Treće i četvrto mjesto zauzimaju "Kvantum group" d.d. Sarajevo sa prometom od 13.280,00 KM, te "Zavod za vodoprivredu" d.d. sa ostvarenim prometom u iznosu od 2.931,50 KM.

Promet na Tercijarnom slobodnom tržištu iznosio je 16.164,00 KM; u sklopu 4 transakcije prometovano je 765 dionica.


Na Tržištu za emitente u stečaju nije bilo zaključenih transakcija.

	Kotacija kompanija	Kotacija fondova	Kotacija obveznica	Primarno slobodno tržište	Sekundarno slobodno tržište	Tercijarno slobodno tržište	Ukupno
Promet (KM)	443.872	344.960	1.168.317	1.123.120	365.094	16.164	3.461.529
Prometovanih VP	38.586	110.015	2.093.407	95.283	39.092	765	2.377.148
Broj transakcija	61	136	189	306	46	4	742

Indeksi i tržišna kapitalizacija:

Kod indeksa investicijskih fondova BIFX-a, u mjesecu julu, zabilježen je porast vrijednosti od 0,45%. Vrijednost indeksa SASX-10 porasla je za 2,54% u odnosu na prethodni mjesec. Porasla je i vrijednost indeksa Primarnog Slobodnog tržišta SASX-30 za 2,34% u odnosu na prethodni mjesec.

Pokazatelj	Zadnji dan prethodnog perioda	Zadnji dan perioda	Promjena
Tržišna kapitalizacija	4.025.166.991,75	4.176.486.056,69	3,76%
BIFX	1.442,95	1.449,49	0,45%
SASX-10	669,72	686,72	2,54%
SASX-30	876,18	896,71	2,34%



Emitenti na SASE:

Ukupno emitenata	172
Minimalno jedna trgovina u periodu	65
Kotacija kompanija	2
Kotacija fondova	11
Primarno Slobodno tržište	30
Sekundarno Slobodno tržište	107
Tercijarno slobodno tržište	16
Emitenti u stečaju	6
Novo-uvrštenih emitenata	0
Obustava prometa	1
Opoziv obustave prometa	0

Promet po emitentima:

Emitent	promet	broj transakcija	promjena kursa
BH Telecom d.d. Sarajevo	463.050	95	0,85%
Bosnalijek d.d. Sarajevo	443.872	61	-0,69%
Elektro grupa d.d. Jajce	329.070	2	0,00%
FBiH stara devizna štednja serija Z	206.530	6	1,69%
FBiH obveznice ratna potraživanja ser. E	200.037	20	-2,82%
FBiH stara devizna štednja serija R	165.655	9	-2,29%
ZIF Naprijed dd Sarajevo	134.871	7	-0,87%
Vodovod i kanalizacija d.d. Konjic	119.850	1	-6,00%

Fabrika duhana Sarajevo dd Sarajevo	115.845	59	-2,70%
ZIF MI Group dd Sarajevo	113.554	43	5,38%


U julu 2012. godine na Sarajevskoj berzi bilo je prijavljeno 16 vanberzanskih transakcija u iznosu od 123.394,48 KM.

Datum	emitent	cijena	Broj trgovanih VP	Vrijednost prometa	Broj transakcija
03.07.2012.	NAPREDAK DD TEŠANJ	6,00	185	1.110,00	2
05.07.2012.	RUDSTROJ DD KAKANJ	1,00	647	647,00	1
06.07.2012.	CENTROTRANS - TRANZIT DD SARAJEVO	45,00	159	7.155,00	1
12.07.2012.	VODOVOD I KANALIZACIJA DD KONJIC	5,00	20.580	102.900,00	1
18.07.2012.	TP JABLANKA DD JABLANICA	3,00	1.106	3.318,00	6
24.07.2012.	ZIM DD ZENICA	1,98	997	1.974,06	1
Ukupno			26.448	123.394,48	16


Struktura investitora:

	Kupovna strana	Prodajna strana
Domaći investitori	56,12%	49,47%
Strani investitori	1,81%	6,16%
Skrbnički računi	42,07%	44,37%

Kupovna strana



Prodajna strana



- Dana 06.07.2012. godine izvršena je druga redovna godišnja revizija indeksa SASX-10. U toku revizije došlo je do promjene sastava indeksa, tako da je umjesto „Sarajevo Osiguranje“ d.d. Sarajevo (SOSOR) u sastav indeksa ušao emitent “IK Banka d.d. Zenica” (IKBRZK2).
- Registar vrijednosnih papira u Federaciji BiH, na osnovu zahtjeva emitenta " Tehnograđa“ d.d. Brčko distrikt BiH, kao i rješenja Komisije za vrijednosne papire F BiH , dana 05.07.2012. godine izvršio registraciju navedenog emitenta, kao i registraciju emisije redovnih dionica. Broj emitovanih dionica je 105.651, nominalna vrijednost dionice je 10,00 KM, a dionice nose oznaku THG9R. Ukupna vrijednost registrovane emisije dionica je 1.056.510,00 KM.
- Emitent „Papir servis“ d.d. Sarajevo (simbol: PSRVR) delistiran je sa Sekundarnog slobodnog tržišta SASE zbog promjene oblika društva. Broj vrijednosnih papira emitenta je 61.050, a nominalna vrijednost 12,50 KM.
- Komisija za vrijednosne papire FBiH, na 346. sjednici, donijela je Pravilnik o izmjeni pravilnika o uslovima za obavljanje revizije finansijskih izvještaja investicijskih fondova. (Sl. novine FBiH 61/12).
- Skupština Društva "Unioninvest" d.d. Sarajevo na I redovnoj godišnjoj sjednici, održanoj 4. 7. 2012. godine, donijela je Odluku o smanjenju osnovnog kapitala Društva povlačenjem vlastitih dionica
Smanjuje se osnovni kapital društva „Unioninvest“ d.d. Sarajevo povlačenjem vlastitih dionica za iznos od 205.320 KM, na način da se povlači 20.532 stečene vlastite dionice Društva nominalne vrijednosti 10 KM. Osnovni kapital Društva nakon umanjenja iznosi 9.969.140 KM podijeljen na ukupno 996.914 emitovanih dionica nominalne vrijednosti 10 KM.
- Na prijedlog Nadzornog odbora, Skupština Društva "Ogrevtrans" d.d. Sarajevo održana 7. 7. 2012. godine donijela je Odluku o smanjivanju osnovnog kapitala.
Smanjenje osnovnog kapitala Društva vrši se radi pokrića gubitaka po završnim obračunima za 2004, 2005. i 2008. godinu u ukupnom iznosu od 2.100.780,00 KM. Osnovni kapital Društva čine 23.342 obične dionice nominalne vrijednosti od 100,00 KM, čija je ukupna vrijednost 2.334.200,00 KM.
Metodom smanjenja nominalne vrijednosti dionica kapital se smanjuje za 2.100.780,00 KM. Smanjena vrijednost kapitala tada čine 23.342 obične dionice nominalne vrijednosti od 10,00 KM, čija ukupna vrijednost iznosi 233.420,00 KM.

- **Brodsko Rafinerija nafte 402 miliona KM gubitka**

Gubici Rafinerije nafte u Bosanskom Brodu za 2011. iznose 46,2 miliona KM, a gubici iz minulih godina čak i više od 356 miliona KM.

Ukupan gubitak ovog preduzeća 1.januara ove godine iznosio je čak 402,3 miliona KM.

Podaci o enormnoj dubiozi u kojoj se nalazi Rafinerija potvrđeni su i u odluci usvojenoj na redovnoj godišnjoj Skupštini akcionara ovog preduzeća održanoj 29.juna.

- **BiH brodski teret iz Ploča prebacuje u Luku Bar?**

Ako s Hrvatskom do njezina ulaska u članstvo EU-a BiH ne riješi pitanje statusa Luke Ploče, postoji mogućnost da se kompletan brodski izvoz bh. proizvoda u treće zemlje prebaci u Crnu Goru, odnosno u Luku Bar. U Vanjskotrgovinskoj komori tvrde da tijekom pregovora nije došlo do rješenja izvoza robe iz BiH u zemlje s kojima BiH ima potpisane ugovore o slobodnoj trgovini, a roba prelazi teritorij EU-a odnosno Republike Hrvatske.

- **Solarni bum u Hercegovini: Oko 35 proizvođača ide u proizvodnju energije iz sunca**

Njemačka, koja ima duplo manje sunčanih dana od BiH, jedna je od najvećih proizvođača solarne energije u Europi. Što spriječava BiH u tome? Stručnjaci su složni u jednom, a to je da smo zemlja sa ogromnim potencijalima u ovoj oblasti, no da vlasti nisu prepoznale važnost stimulacije ove oblasti. Tek prije dvije godine donesena je Uredba o korištenju obnovljivih izvora energije i kogeneracije kojom se regulirana ova oblast koja do sada nije bila tretierana nikakvim zakonskom regulativom.

Tako da se može reći da je i to rezultiralo time da je u posljednje vrijeme primjetan porast interesa za korištenje ove vrste energije. Nedavno je nikla i prva solarna elektrana u BiH, i to u Kalesiji.

- **Idućeg tjedna počinje realizacija višemilijunskog projekta u Hercegovini**

U toku mjeseca će biti otvoren natječaj za izbor izvođača radova na izgradnji vjetroparka na Podveležju. Riječ je o najvećem projektu u povijesti Mostara, čija vrijednost iznosi 125 milijuna maraka. Natječaj će biti otvoren mjesec dana, a zatim nakon izbora najpodobnijeg izvođača te potpisivanja ugovora kreće se konačno s početkom radova. Dogovoreno je da se do kraja tekuće godine izgrade dvije vjetroturbine, a do kraja 2014. godine planiran je dovršetak cijeloga projekta.

- **Javni pozivi za izgradnju 16 novih hidroelektrana**

Na području Srednjobosanske županije (SBŽ) postoje već 24 male hidroelektrane (MHE), a Ministarstvo šumarstva, poljoprivrede i vodoprivrede je prije nekoliko dana raspisalo javni poziv za dodjelu koncesije nad nekoliko rijeka na ovom području u cilju izgradnje 16 novih MHE.

Ovim bi se godišnja proizvodnja iz ovih izvora energije na području SBŽ-a povećala za oko 39, 300 novih GWh. "Većina ovih ponuda je samoinicijativna. Znači većina ovih investitora je već tražila koncesije, a mi smo onda prema zakonu objavili javni poziv", kazali su nam iz Ministarstva.

Koncesije se izdaju na 30 godina, a prilikom prijave investitorima je, između ostalog, potrebna bankarska garancija od 50. 000 KM na 90 dana. Investitori koji dobiju koncesije nakon potpisivanja ugovora imaju obvezu MHE izgraditi u roku od 36 mjeseci. Poziv je otvoren do 13.8. 2012. godine.

- **"Zarubežnjeft" zainteresovan za istraživanje nafte u Federaciji**

Ruska kompanija "Zarubežnjeft" zainteresovana je za dobijanje koncesije za istraživanje nalazišta nafte i u Federaciji BiH, rekao je Srni načelnik Odjeljenja za marketing i reklamu "Optima grupe" Rade Vidaković.

Vidaković je dodao da je zamjenik direktora "Zarubežnjefta" Aleksandar Kožurin upoznao premijera FBiH Nermina Nikšića o zainteresovanosti za učešće u dobijanju koncesije.

"U narednom periodu možemo očekivati da će biti raspisan transparentan tender i da ćemo ravnopravno, kao i drugi, moći da učestvujemo u borbi za tu koncesiju", naglasio je Vidaković.

On je naveo da je na sastanku sa premijerom FBiH istaknuto da je tržište Federacije BiH transparentno i da nema favorizovanja kompanija, te da "Optima grupa", kao domaći proizvođač sa maksimalnim kvalitetom, može očekivati ravnopravnu utakmicu.

Vidaković je rekao da su u "Optima grupi" zahvalni institucijama Republike Srpske, FBiH i BiH na razumijevanju i prepoznavanju značaja investiranja i razvoja naftnog sektora u BiH.

Prema njegovim riječima, premijer Nikšić je upoznat i sa planovima "Optima grupe" da u ovoj i narednoj godini širi maloprodajnu mrežu na teritoriji cijele BiH, prvenstveno FBiH, jer u Srpskoj već ima veliki broj pumpi.